



ქობულეთის მუნიციპალიტეტის საკრებულო

გ ა ნ კ ა რ გ უ ლ ე ბ ა №-06

2011 წლის 28 იანვარი  
ქ. ქობულეთი

**ქობულეთის მუნიციპალიტეტის ბიუჯეტიდან სპორტული  
ღონისძიებების ფარგლებში სამივლინებო ხარჯების  
დაფინანსების წესის დამტკიცების შესახებ**

„ადგილობრივი თვითმმართველობის შესახებ“ საქართველოს ორგანული კანონის 43-ე მუხლის მეხამე პუნქტის „ბ“ ქვეპუნქტის, საქართველოს ზოგადი ადმინისტრაციული კოდექსის 51-ე მუხლის შესაბამისად:

1. დამტკიცდეს ქობულეთის მუნიციპალიტეტის ბიუჯეტიდან სპორტული ღონისძიებების ფარგლებში სამივლინებო ხარჯების დაფინანსების წესი თანახმად დანართისა.
2. კონტროლი განკარგულების შესრულებაზე დაევალოს ქობულეთის მუნიციპალიტეტის საკრებულოს განათლების, მეცნიერების, სპორტისა და ტურიზმის საკითხთა კომისიის თავმჯდომარეს (ჯ. ჯინჭარაძე).
3. განკარგულება შეიძლება გასაჩივრდეს ერთი თვის ვადაში ბათუმის საქალაქო სასამართლოში (მის: ქ. ბათუმი, ზუბალაშვილის ქ.№-30).
4. განკარგულება ძალაშია ხელმოწერისთანავე.

საკრებულოს თავმჯდომარე

ნ. ბერაძე

### ქობულეთის მუნიციპალიტეტის ბიუჯეტიდან სპორტული ღონისძიებების ფარგლებში სამივლინებო ხარჯების დაფინანსების წესი

1. საქართველოს ფარგლებში, შეჯიბრებებზე და საწვრთნელ შეკრებებზე ქობულეთის მუნიციპალიტეტის სპორტული გუნდების წევრების დღე-ღამეში ხარჯი (კვების) განისაზღვრება შესაბამისი სპორტული ორგანიზაციებისა და/ან ღონისძიების ორგანიზატორთა მიერ წინასწარ დადგენილი ნორმების და/ან დამტკიცებული დებულების საფუძველზე.

2. ამ წესის პირველი პუნქტით განსაზღვრული ნორმების წინასწარ დაუდგენლობის შემთხვევაში საქართველოს ფარგლებში შეჯიბრებებზე და საწვრთნელ შეკრებებზე ქობულეთის მუნიციპალიტეტის სპორტული გუნდების წევრების სადღეღამისო (კვების) ხარჯი განისაზღვრება „დაქირავებულთათვის გადახდილი სამივლინებო ხარჯების ნორმების შესახებ“ საქართველოს ფინანსთა მინისტრის 2005 წლის 5 აპრილის №220 ბრძანებით.

3. საქართველოს ფარგლებში შეჯიბრებებზე და საწვრთნელ შეკრებებზე ქობულეთის მუნიციპალიტეტის სპორტული გუნდების წევრების მგზავრობის ხარჯები განისაზღვრება შესაბამის მიმართულებაზე არსებული მგზავრობის ღირებულების გათვალისწინებით და ფაქტობრივად გასაწევი ხარჯების მიხედვით.

4. საქართველოს ფარგლებში შეჯიბრებებზე და საწვრთნელ შეკრებებზე სპორტსმენებისა და მწვრთნელების კვების ხარჯი განისაზღვრება შეჯიბრებისა და შეკრების დებულების და/ან შესაბამისი ორგანიზაციების მიერ კვების მომსახურების თაობაზე გაფორმებული ხელშეკრულების საფუძველზე.

5. საქართველოს ფარგლებში შეჯიბრებებზე და საწვრთნელ შეკრებებზე სპორტსმენებისა და მწვრთნელების სასტუმროს ხარჯი განისაზღვრება შესაბამის დაწესებულებებში არსებული მომსახურების ღირებულების გათვალისწინებით და ფაქტობრივად გასაწევი ხარჯების მიხედვით ან მომსახურების თაობაზე გაფორმებული ხელშეკრულების საფუძველზე.

6. ადგილობრივი თვითმმართველი ერთეულის მიერ ორგანიზებულ შეჯიბრებებზე და საწვრთნელ შეკრებებზე სამედიცინო და ტექნიკური პერსონალის, მოწვეული მსაჯების ანაზღაურების ოდენობა განისაზღვრება შეჯიბრების დებულების, შეკრების წესისა და/ან სპორტული ღონისძიების ორგანიზატორის მიერ ამ პირებთან გაფორმებული ხელშეკრულების საფუძველზე.

7. საქართველოს ფარგლებში შეჯიბრებებზე და საწვრთნელ შეკრებებზე ქობულეთის მუნიციპალიტეტის სპორტული გუნდების წევრების ხარჯები (მგზავრობის, სასტუმროს, კვების, შეჯიბრებაში მონაწილეობისათვის სასტარტო შენატანი) განისაზღვრება ქობულეთის მუნიციპალიტეტის სპორტის ღონისძიებების ფინანსური უზრუნველყოფის პროგრამის ფარგლებში, შესაბამისი სპორტის სახეობის მწვრთნელის მიერ წარმოდგენილი ხარჯთაღრიცხვის შესაბამისად, რომელიც შეთანხმებული უნდა იქნას ქობულეთის მუნიციპალიტეტის გამგეობის შესაბამის სამსახურთან.

8. შეჯიბრებებზე და საწვრთნელ შეკრებებზე ქობულეთის მუნიციპალიტეტის სპორტული გუნდების წევრებისათვის სპორტული ორგანიზაციებისა და/ან ღონისძიების ორგანიზატორთა მიერ წინასწარ დადგენილი ნორმების და დღიური ხარჯის ჩარიცხვა ხორციელდება ქობულეთის მუნიციპალიტეტის ადგილობრივი ბიუჯეტიდან ქობულეთის მუნიციპალიტეტის ტერიტორიაზე სპორტული ღონისძიებების ფინანსური უზრუნველყოფის პროგრამის ფარგლებში შესაბამისი სპორტის სახეობის მწვრთნელის ანგარიშზე.

9. ადგილობრივი თვითმმართველი ერთეულის ორგანიზებით შეჯიბრებებისა და საწვრთნელი შეკრებების დრო, ადგილი, მიზანი და ხანგრძლივობა განისაზღვრება თვითმმართველი ერთეულის შესაბამისი სამსახურის მიერ შემუშავებული დებულებით და მტკიცდება თვითმმართველი ერთეულის წარმომადგენლობითი ორგანოს მიერ.

10. ადგილობრივი თვითმმართველი ერთეულის ორგანიზებით შეჯიბრებებისა და საწვრთნელი შეკრებების დებულებები თვითმმართველი ერთეულის წარმომადგენლობით ორგანოს შესათანხმებლად და დასამტკიცებლად წარედგინება შემდეგი სახით:

ა/ შეჯიბრების დებულება - ღონისძიების დაწყებამდე არანაკლებ 10 დღით ადრე;

ბ/ საწვრთნელი შეკრების დებულება - ღონისძიების დაწყებამდე არანაკლებ 10 დღით ადრე;